

Broj: 01-11-1-2009-5/26
Mostar, 22.07.2026. godine

Na osnovu člana 70. Zakona o javnim nabavkama („Službeni glasnik BiH“, br. 39/14 59/22 i 50/24) i preporuke Komisije za javne nabavke u 2026. godini, obrazovane Rješenjem broj: 08-11-177/26 od 24.02.2026. godine, date u Zapisniku o pregledu i ocjeni ponuda u postupku Konkurentskog zahtjeva za dostavu ponuda u predmetu javne nabavke kompjutera i kompjuterske opreme od 21.07.2026. godine, Federalni ministar razvoja, poduzetništva i obrta, donosi

O D L U K U
o izboru najpovoljnijeg ponuđača

I

Prihvata se preporuka Komisije za javnu nabavku da se u cilju odabira najpovoljnijeg ponuđača po provedenom Konkurentskom zahtjevu za dostavu ponuda - nabavka kompjutera i kompjuterske opreme kao najpovoljniji ponuđač izabere „EMADO“ d.o.o. Sarajevo sa sjedištem u Sarajevu, ul. Azize Šaćirbegović broj 112, sa svojom Ponudom broj NR1407/26 od 14.07.2026. godine čija ukupna ponuđena cijena iznosi 28.500,00 KM bez uračunatog PDV-a, odnosno 33.345,00 KM sa uračunatim PDV-om.

II

Ova odluka stupa na snagu danom donošenja i objavit će se na web stranici Federalnog ministarstva razvoja, poduzetništva i obrta istovremeno sa upućivanjem obavijesti ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

III

Za izvršenje ove odluke zadužuje se Sektor za ekonomsko-finansijske, pravne i opće poslove.

O b r a z l o ž e n j e

Provodeći Odluku o pokretanju postupka javne nabavke kompjutera i kompjuterske opreme broj: 01-11-1-2009/26 od 26.06.2026. godine, Komisija za javne nabavke u 2026. godini imenovana Rješenjem broj: 08-11-177/26 od 24.02.2026. godine (u daljnjem tekstu: Komisija), dana 01.07.2026. godine objavila je na Portalu javnih nabavki Obavještenje o nabavci, broj 572-7-1-11-3-4/26, kao i Tendersku dokumentaciju, broj 01-11-1-2009-2/26 od 01.07.2026. godine.

Predmetna javna nabavka provedena je sukladno odredbama Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), po pravilima Poglavlja V. Odjeljak A. Dodijele ugovora male vrijednosti i to kroz postupak Konkurentskog zahtjeva za dostavu ponuda, uz provođenja E-aukcije, a evidentirana je u Planu nabave pod rednim brojem 5/26 - robe, CPV kod: 30200000-1.

Po Obavještenju o nabavci, do 08.07.2026. godine, do kada je bio rok za preuzimanje tenderske dokumentacije, prema Izvještaju o preuzimanju tenderske dokumentacije od strane ponuđača, preuzetog i kreiranog sa Portala javnih nabavki BiH dana 09.07.2026. godine, predmetnu tendersku dokumentaciju preuzelo je ukupno 24 potencijalna ponuđača. Nakon postavljena 2 (dva) pitanja na Portalu javnih nabavki BiH od strane potencijalnog

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF DEVELOPMENT,
ENTREPRENEURSHIP AND CRAFTS

ponuđača Digitarija d.o.o. društvo za savjetovanje i usluge u informatici izvršena je ispravka/izmjena TD, te je spomenutu ispravku/izmjenu TD preuzelo 10 potencijalnih ponuđača što je vidljivo iz izvještaja kreiranog sa Portala javnih nabavki BiH dana 09.07.2026. godine. U utvrđenom roku do 21.07.2026. godine do 10,00 sati, pristigla je jedna ponuda i to od ponuđača „EMADO“ d.o.o. Sarajevo sa sjedištem u Sarajevu, ul. Azize Šaćirbegović broj 112. Istog dana, sa početkom u 10:15 sati, izvršeno je javno otvaranje ponuda o čemu je sačinjen Zapisnik sa otvaranja ponuda koji je blagovremeno dostavljen ponuđaču koji je dostavio ponudu. Komisija je isti dan započela sa pregledom i ocjenom dostavljene ponude i utvrdila da je pristigla ponude prihvatljiva za ugovorni organ.

S obzirom da je pristigla jedna prihvatljiva ponuda nije bilo rangiranja ponuda, niti su ispunjene pretpostavke za zakazivanje e-aukcije prema kriteriju najniže cijene u skladu sa odredbama Pravilnika o uslovima i načinu korištenja e-aukcije ("Službeni glasnik BiH", broj 80/23), pa je Komisija dala preporuku ministru da se ugovor dodijeli jedinom ponuđaču „EMADO“ d.o.o. Sarajevo sa ponuđenom cijenom od 28.500,00 KM bez uračunatog PDV-a.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno postavljenim uslovima iz Tenderske dokumentacije. U postupku ocjene provedenog postupka, ovlaštena osoba ugovornog organa nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana zaprimanja ove odluke. Žalba se podnosi u najmanje tri primjerka.

Dostaviti:

1. „EMADO“ d.o.o. Sarajevo,
2. Web stranica ministarstva,
3. Sektor za ekonomsko-finansijske, pravne i opće poslove,
4. a/a.

